

【经文信息】大正藏第 20 册 No. 1188

文殊所说最胜名义经 2 卷

卷上      卷下

No. 1188 [Nos. 1189, 1190]

文殊所说最胜名义经卷上

宋西天三藏明因妙善普济法师金总持等奉 诏译

|       |       |
|-------|-------|
| 归命妙吉祥 | 所说最胜义 |
| 金刚掌菩萨 | 降伏诸魔众 |
| 身涌遍三界 | 秘密王自在 |
| 目若青莲叶 | 面如莲华敷 |
| 执持金刚杵 | 以手掷复掷 |
| 现大忿怒相 | 威振十方界 |
| 金刚手菩萨 | 亦持金刚杵 |
| 精进相微妙 | 勇猛降诸魔 |
| 大智利群生 | 化亿数金刚 |
| 或踊跃欢喜 | 或现忿怒相 |
| 顶礼佛世尊 | 合掌心恭敬 |
| 愿令法久住 | 作众生依怙 |
| 常于幻网中 | 引接菩提路 |
| 无智愚痴人 | 困苦烦恼者 |
| 救护令解脱 | 皆护最上果 |
| 世尊调御师 | 常住大三昧 |
| 能了诸法性 | 根境亦如是 |
| 如来智慧身 | 乌瑟膩沙相 |
| 文殊大智者 | 智观善出生 |
| 甚深微妙义 | 大法无等伦 |

|       |       |
|-------|-------|
| 于初中后善 | 名义为最胜 |
| 过去佛已说 | 未来佛当说 |
| 现在佛今说 | 三世皆如是 |
| 于大幻网中 | 能度诸群品 |
| 金刚掌菩萨 | 欢喜伸赞叹 |
| 佛说真密语 | 我今能受持 |
| 决定心坚固 | 至成等正觉 |
| 演说秘密法 | 引导诸众生 |
| 起无漏智慧 | 烦恼尽无余 |
| 金刚手菩萨 | 合掌住佛前 |
| 尔时释迦佛 | 最上两足尊 |
| 舌相真实语 | 清净微妙音 |
| 普流于世间 | 四种魔不现 |
| 遍满三界中 | 梵音美赞叹 |
| 如来秘密王 | 宣说大法要 |
| 善哉金刚掌 | 善哉金刚手 |
| 为作利益故 | 大智得成就 |
| 最上大义利 | 灭除诸罪垢 |
| 文殊大智者 | 愿听如是义 |
| 善哉大导师 | 方便为宣说 |
| 尔时释迦佛 | 开示秘密法 |
| 摄持大明呪 | 谓持明呪部 |
| 世出世间部 | 周遍世界部 |
| 大印诸法部 | 乌瑟膩沙部 |
| 六种大呪王 | 相应无有二 |
| 出生伽陀法 | 我今故宣说 |

遏阿(引)壹翳(引)唄污(引)伊爰(引)郛奥(引)暗恶

|       |       |
|-------|-------|
| 安住心智观 | 如来三业转 |
| 唵字金刚利 | 能断诸苦恼 |
| 文殊大吉祥 | 智慧妙观察 |
| 宣说秘密门 | 自在王神呪 |

阿啰钵左那(引)野谛曩莫

归命佛世尊  
遏字一切中  
出生大有情  
及一切音声  
此摩诃大贪  
摩诃大瞋恨  
摩诃大愚痴  
摩诃大忿怒  
摩诃大爱乐  
大欲及大乐  
大色及大身  
大名及大施  
持大智慧剑  
大显及大称  
大幻作幻师  
大幻化染欲  
大布施殊胜  
大忍辱执持  
大禅定安住  
大方便大愿  
大慈法无我  
大慧大勇猛  
大神通智力  
大炽盛大力  
大金刚秘密  
大怖畏能除  
大乘最上行  
大毘卢遮佛  
出生大呪部  
依十波罗蜜  
得十波罗蜜  
十种波罗蜜  
十地自在行  
十智清浄身

出生菩提智  
为大最上义  
离心离言相  
一切光明相  
一切众生着  
一切苦恼因  
众生心深入  
是为大怨害  
心种种见着  
大喜及大染  
大相及大貌  
大圆满道场  
断大烦恼网  
大光及大明  
大幻义成就  
大幻化见网  
大持戒摄受  
大精进勇猛  
大智慧出生  
大力及大智  
大悲深妙行  
大施大方便  
大威德勇健  
大流转除断  
大忿怒威猛  
大最胜明王  
大乘法增长  
大寂默牟尼  
成就秘密法  
修习殊胜行  
清浄妙法门  
如来本真智  
十地安隐住  
十智功德聚

十相十义利  
十相广大行  
如来清净身  
真语与实语  
无二非无二  
处于无我义  
威振诸外道  
一切真空行  
勇猛破怨敌  
大力转轮王  
咸生恭敬心  
演说大乘教  
如来真实语  
诱接诸群迷  
声闻及缘觉  
种种空无着  
漏尽阿罗汉  
尽诸烦恼结  
如来无所著  
世间最上士  
无我慢贡高  
远离于轮回  
所作皆已办  
世尊大法王  
周遍于世间  
以最殊胜行  
作大引导师  
尽诸众生界  
檀戒忍进禅  
智慧波罗蜜  
方便及愿力  
圆满行众善  
禅定意微妙  
法报化三身

牟尼十力尊  
周遍悉圆满  
非实亦非假  
如语不异语  
如实际安住  
犹如狮子吼  
众魔皆惊怖  
如来亲所证  
是名为最胜  
最上尊重者  
了法无差别  
赞叹无边义  
无实亦无虚  
皆得不退转  
佛乘菩提果  
如实而了知  
离欲胜根境  
无畏得清凉  
明行足善逝  
调御十号尊  
真实心安住  
亿劫修胜行  
智慧心决定  
演说微妙法  
教化诸众生  
成就诸义利  
令离诸疑惑  
悉获安隐地  
熏修为福藏  
熏修为智藏  
随顺修二藏  
常普遍相应  
示身相不动  
五佛五种智

五佛严宝冠  
应现一切佛  
所修智慧力  
金刚坚固身  
毘卢遮那佛  
自然虚空中  
遍照诸刹土  
明王大神呪  
大乌瑟膩沙  
照一切佛身  
瞻仰心欢喜  
供养伸赞叹  
安住三部呪  
三宝最殊胜  
不空絹索部  
及持金刚钩  
降伏诸魔怨  
六面现六眼  
口出大利牙  
臂缠百毒蛇  
亦名除障王  
执金刚利刃  
化金刚眷属  
大仪德忿怒  
一髻发蓬乱  
时发大笑音  
草木皆摇动  
有大威德力  
金刚王大乐  
金刚呪吽吽  
手持金刚剑  
坚固及利用  
炽盛金刚焰  
金刚大色相

五眼照世间  
令众善增长  
能断诸轮转  
真实不思議  
大智光炽盛  
涌出智慧光  
一切如来身  
胜义悉成就  
普放净光明  
彼佛咸恭敬  
威仪皆具足  
牟尼大金仙  
三昧呪现前  
三乘及引导  
执持金刚索  
示现忿怒相  
大忿怒明王  
一身生六臂  
手执绀迦罗  
名焰鬘德迦  
现大怖畏相  
种种相差别  
遍满于虚空  
不动尊明王  
身挂大象皮  
呵呵哂哂声  
现大笑明王  
金刚大菩萨  
金刚相大喜  
金刚弓及箭  
烦恼皆除断  
此金刚最胜  
炽盛金刚眼  
金刚焰百眼

金刚毛铍利  
金刚现指爪  
金刚殊胜鬘  
金刚笑音声  
文殊大音声  
乃至虚空界  
如实而了知  
离文字语言  
譬如大牛王  
吹于大法螺  
建广大法幢  
不住于涅槃  
十方虚空界  
种种色心中  
犹如大圆鉴  
化诸天人众  
住平等圣道  
普于十方界  
或现沙门相  
或三十二相  
智慧德行者  
度一切众生  
了达虚空界  
破坏无明网  
永离诸烦恼  
以智水灌顶  
断除三种苦  
得三种解脱  
常于三界中  
圆满清净行  
离一切有着  
持大如意宝  
现大相相应  
饶益诸众生

示现鬪战相  
亿数锋坚利  
金刚妙庄严  
字门有六种  
遍彻于三界  
音声皆遍彻  
一切法无我  
同真际法性  
作大音声吼  
击于大法鼓  
作广大音声  
悲愍诸众生  
无色非无色  
能了一切法  
遍照尽无余  
三界得自在  
涌现于法幢  
示现童子相  
或现老人相  
端严甚微妙  
阿阇梨法师  
相应成正觉  
一切智智海  
摧灭流转轮  
速达于彼岸  
庄严妙宝冠  
离一切缠缚  
成正等正觉  
利益诸众生  
功德悉增长  
安住真实际  
为最上导师  
作最上贤瓶  
护念如赤子

净通非净通  
了达正定通  
功德通法通  
清净吉祥事  
五面及五顶  
大喜及大乐  
决定真实法  
殊胜微妙行  
为降伏魔怨  
尸弃室[口\*龕]呢 惹胝路垂髻  
剃发及头陀  
持最上梵行  
灰身乔答摩  
证清净涅槃  
能持大净行  
决定断苦乐  
无失亦无得  
一切行无秽  
菩萨修正行  
离染无怖畏  
智解如来地  
无智亦无色  
照见三世佛  
觉法离系缚  
如来妙智观  
以最胜法义  
犹如师子王  
众生咸欣仰  
文殊妙智光  
灌顶法王子  
能为大良药  
舒白毫相光  
乃至十方刹  
及张大伞盖

时分三昧通  
众生根境通  
得三种解脱  
心欢喜踊跃  
五山严饰相  
大庆及大欲  
吉祥最胜尊  
利益诸众生  
消除诸惊怖  
惹胝路垂髻  
着大净行衣  
大婆罗门众  
修持大苦行  
寂然得解脱  
安乐无染着  
尽远离诸欲  
无显亦无着  
是谓婆罗门  
意识净无垢  
善觉悟佛性  
能知过去法  
亦无有疑惑  
法本来无着  
慧眼照无碍  
说法自在王  
悉除诸净论  
能伏于众兽  
如来尊重相  
炽盛皆遍照  
最胜名义师  
消除诸病苦  
照耀于三界  
普建大法幢  
为慈悲道场

|       |       |
|-------|-------|
| 莲华大宝盖 | 遍覆诸如来 |
| 一切佛法性 | 一切佛相应 |
| 一切佛平等 | 为最胜尊重 |
| 金刚智灌顶 | 吉祥自在王 |
| 一切世自在 | 最胜金刚王 |
| 一切佛大心 | 一切佛智行 |
| 一切佛大身 | 一切佛妙辩 |
| 金刚日大光 | 金刚月大明 |
| 炽盛皆遍照 | 十方众生界 |
| 佛金刚坚固 | 佛胜义法生 |
| 佛莲华吉祥 | 成就一切智 |
| 佛持大幻法 | 佛持大明呪 |
| 金刚剑大利 | 断诸烦恼结 |
| 金刚法大器 | 金刚法最胜 |
| 金刚慧出生 | 圆满波罗蜜 |
| 佛地为庄严 | 清净法无我 |
| 正智心明了 | 幻网种种事 |
| 金刚能除断 | 烦恼尽无余 |

## 文殊所说最胜名义经卷上

## 文殊所说最胜名义经卷下

宋西天三藏明因妙善普济法师金总持等奉 诏译

|       |       |
|-------|-------|
| 菩萨妙智身 | 出生诸善利 |
| 譬如大地中 | 生种种利益 |
| 一切佛智藏 | 流出大法轮 |
| 一切法自性 | 一切自性生 |
| 于一刹那中 | 出生诸法义 |
| 即得大智慧 | 觉了一切法 |
| 深入诸三昧 | 安住平等理 |
| 诸法悉清净 | 成正等正觉 |
| 一切佛现前 | 欢喜义成就 |



大智焰光明  
一切众生中  
苦恼为怨贼  
精进殊胜相  
手臂长百肘  
一足按金轮  
一足覆梵际  
最上胜自在  
现种种色相  
周遍十方界  
已离轮回染  
犹如清净云  
如日离云翳  
帝释大青宝  
及大如意珠  
所现神通力  
住念处正勤  
七觉妙意华  
趣正等菩提  
诸众生蕴聚  
诸众生心行  
了知诸根境  
五蕴义清净  
了知诸行相  
十二缘生法  
四无量真乘  
了内根外境  
秘密十六分  
如是最胜义  
佛现无数身  
诸众生心行  
三乘方便门  
觉法无自性  
尽诸烦恼结

灭除诸罪垢  
作最上利益  
智慧能战胜  
微妙大吉祥  
举足作无蹈  
下至地绝处  
但见指爪甲  
法义无差别  
起于方便智  
利益无穷尽  
得三种大乐  
亦如秋皎月  
炽盛大光明  
庄严色最上  
亦为妙庄严  
震动百世界  
神足及根力  
了知八圣道  
如来功德海  
犹如于虚空  
种种相差别  
五蕴悉皆空  
诸行无亿数  
安住实际中  
体性皆清净  
八智从觉生  
十二真实义  
觉道二十种  
诸佛皆了知  
常在于三昧  
刹那能了知  
清净行微妙  
住于一乘道  
出流转苦海

离系缚稠林  
方便智大悲  
摄受诸有情  
一切众生心  
一切众生心  
一切众生心  
令离于散乱  
通达三世法  
五蕴性本空  
一念生信解  
诸法自性生  
乐见诸佛身  
乐闻佛菩提  
大呪离文字  
泯覩离文字  
泯覩百字门  
秘密十六种  
葛罗非葛罗  
禅义生亿数  
通达一切禅  
三昧身最上  
普遍十方界  
最后天中天  
为天人导师  
如帝释天王  
度一切众生  
十方皆赞叹  
以大慈悲法  
智慧为弓箭  
最胜威神力  
降伏魔怨已  
稽首最上师  
顶礼伸赞叹  
十方虚空界

种种诸苦等  
能普遍饶益  
令悟无生忍  
了境界清净  
平等无差别  
欢喜生爱乐  
成就诸功德  
一切智慧义  
三世皆如是  
即见诸佛性  
佛身本无着  
种种庄严相  
最上真实义  
大呪三种性  
出生一切呪  
五字门大空  
从泯覩中生  
过去有四种  
一切作非作  
了知根本定  
报化身亦然  
化度诸众生  
吉祥最胜者  
降伏诸魔众  
能作大布施  
出烦恼稠林  
唯一无有二  
为精进甲冑  
灭除烦恼贼  
众魔皆怖畏  
兴广大供养  
诸佛护世者  
亲近而奉事  
供养亦如是

|       |       |
|-------|-------|
| 文殊大吉祥 | 菩萨摩诃萨 |
| 具六通三明 | 六念皆圆满 |
| 现大神通力 | 智慧到彼岸 |
| 远离于轮回 | 永得不退转 |
| 勇猛大精进 | 了知一切法 |
| 大补特伽罗 | 得超最上地 |
| 以智慧法雨 | 普润诸众生 |
| 宣示四法印 | 引导于三乘 |
| 清净最上义 | 能作大吉祥 |
| 菩萨所称赞 | 成就金刚尊 |
| 众生无亿数 | 瞻仰归命礼 |
| 归命大空藏 | 赞叹大空藏 |
| 归命佛觉道 | 赞叹佛觉道 |
| 归命诸佛身 | 赞叹诸佛身 |
| 归命佛欣悦 | 赞叹佛欣悦 |
| 归命佛功德 | 赞叹佛功德 |
| 归命诸佛念 | 赞叹诸佛念 |
| 归命佛喜笑 | 赞叹佛喜笑 |
| 归命诸佛语 | 赞叹诸佛语 |
| 归命佛所爱 | 赞叹佛所爱 |
| 归命诸佛生 | 赞叹诸佛生 |
| 归命佛智生 | 赞叹佛智生 |
| 归命佛戏舞 | 赞叹佛戏舞 |
| 归命一切智 | 赞叹一切智 |
| 性空及幻网 | 归赞亦如是 |

尔时金刚掌菩萨摩诃萨。金刚手菩萨摩诃萨。白佛言世尊。如来智观一切智身甚深微妙。文殊菩萨摩诃萨。为欲利益一切众生。说此清净最胜名义。若诸众生未净三业。令于佛地波罗蜜门福智藏中。摄持三业圆满清净。于最上义未了解者令得了解。乃至一切诸佛法藏。皆为开发令得悟解。出生众善为功德门。复次金刚掌菩萨摩诃萨金刚手菩萨摩诃萨言。此最胜名义出生一切净地波罗蜜法秘密神呪圆满成就一切智智诸功德海。净身语意三秘密门。观想诸佛正等正觉。成就佛智大三摩地。一切如来清净法界。最胜十力破坏魔怨。具一切智一切种智。根本方便饶益众生。福德智藏清净圆满。出生菩萨声闻缘觉。二乘圣种一切人天。安住大乘诸菩萨行。入正圣道皆得解脱。复

能增长菩萨善根。摄受一切外道异论。威德摧伏四种魔怨。令诸众生同归圣道。解脱系缚离诸散乱。具足一切诸善事业。断除轮回得真圣道。以妙香华幢幡伞盖。普遍供养一切如来。速得成就诸咒部门。于诸菩萨生爱乐想。相应般若波罗蜜多。了知菩萨空行无二。具足一切波罗蜜藏。圆满一切清净佛地。得四真谛圣智现前。一心安住四正念处。乃至具足诸佛功德。复次金刚掌菩萨摩訶萨金刚手菩萨摩訶萨言。此最胜名义经。能除一切众生身语意业不善罪垢。令得远离一切恶道。及得断除一切业障。八难怖畏皆得消除。离恶眠梦获大吉祥。及离一切诸魔怨结。修诸善根福德利益。断除一切增上我慢。永离一切苦恼轮转。一切佛心了知如实菩萨密行了知如实。三乘圣智了知如实。一切咒印了知如实。最胜法义生大智慧。住安乐行色力自在。获得清净大吉祥事。欢喜踊跃以妙句偈。称扬赞叹此名义经。亦能消除一切疾病及大恐怖。若众生心有所乐欲。至心诵持最胜名义悉得如意。欲得清净即得清净。欲得救护即得救护。欲得富饶即得富饶。如漂溺人得获济度。未得道者令得道果。乘般若舟到菩提岸。如大医王能除众病。以方便智救护众生。愚痴暗蔽悉得永离。犹如意宝随其所欲。利益一切皆令圆满。文殊菩萨摩訶萨。如实了知一切智智。具足五眼六波罗蜜。得四无畏安住十地。大福智藏三摩地门皆得圆满。如实了知法性无二。如实了知色相差别。如实了知种种亿数色相清净。如来自性悉皆空故。此名义经无二法义。若有受持开示显发。则能利益一切众生。令离邪见烦恼稠林。复次金刚掌菩萨摩訶萨金刚手菩萨摩訶萨。白佛言世尊。文殊师利菩萨摩訶萨。及一切如来智观无二。此名义经最胜尊重。如佛顶中大摩尼珠。若善男子善女人依此最胜秘密咒门句偈义理。每日三时受持读诵解说书写。利益众生显示三乘普令悟入。尔时文殊师利菩萨摩訶萨。说此最胜名义。欲令众生一心信受。得胜解心了达一切最上法门。修无住行具足智慧。清净三业发菩提心。一切诸佛诸大菩萨。普皆示现平等法门。令诸众生皆得悟入。大金刚掌菩萨现忿怒相。以大威力降伏魔怨。普皆利益一切众生令得安乐。显示秘密三昧道场一切咒印。引导众生入正定聚圆满无余。大明咒王除诸障难。消伏魔怨具大威德。于昼夜中常当拥护。童真菩萨梵王帝释。噜陀罗神那罗延天。大自在天并子歌哩底计大黑天神。难底计说啰大神焰魔天王。水界大神毘沙门天王贺哩帝母。于昼夜中常当拥护。若行若住若坐若卧一切时中。诸佛菩萨威神加护。一切诸佛及诸菩萨。饶益摄受彼诸众生。身意语业皆得清净。一切罗汉声闻缘觉。护念摄受彼诸众生。于一切法得无所畏。如是最胜名义圣法。于诸经中最为上首。若能于此信解受持。是人则为得菩提道。或处禅定或居闾闹。或入王城聚落之处。江河园林一切住处。于昼夜中常当拥护令无怖畏。天龙八部人及

非人。乃至毘舍遮女并诸眷属。常当拥护是诸众生。令离诸恼得大安隐。复次金刚掌菩萨金刚手菩萨言。此最胜名义经。如佛顶珠最上微妙。功德殊胜不可思议。每日三时受持读诵。正念思惟精进不懈。于佛菩提速能趣入。复白佛言世尊。文殊师利菩萨色相具足观察思惟。以大愿力度脱众生。或于空中现一切佛。一切菩萨种种化身。随顺众生所乐示现。演说微妙甚深句义。引导众生远离恶趣。不生卑贱不堕边境。生不丑陋不堕邪见。常生佛刹听闻正法离无想处。不生饥馑鬪战劫中。不生五浊及贼难处。不生贫穷及困苦处。不生非法妄说句偈为求名闻。生贤善家尊贵人中。圆满色相端严具足。见者欢喜无不爱乐。得宿住通大尊重相具大威德。布施持戒忍辱精进。禅定智慧方便愿力。慈悲喜舍四无量心具足圆满。及于一切工巧技艺。赞咏外书皆得了解。出家求道于一切智心无散失。了达三乘诸法义利。此经功德出生无量智慧无量善法。若善男子善女人。受持读诵解其义理为人演说。当知是人于如来藏中得佛功德。不久当证最上菩提。具一切智一切种智。安住世间振大法鼓建大法幢。作大法王演大法呪。即说呪曰。

唵(引)萨哩嚩(二合)达哩摩(二合引)阿婆(引)嚩娑嚩(二合)婆(引)嚩尾秫驮嚩惹啰(二合)遏阿暗悉

一切法相自性清淨。所谓一切如来智身。文殊菩萨清淨出生。呪曰。

悉萨哩嚩(二合)怛陀(引)誡多訖哩(二合)捺野喝啰喝啰唵(引)吽(引)訖哩(二合)

文殊菩萨语自在王。广大宣说一切法性。犹如虚空圆满清淨。法界智藏呪曰。

阿

尔时金刚掌菩萨摩訶萨金刚手菩萨摩訶萨。欢喜踊跃恭敬合掌瞻仰如来。诸佛圣众大秘密王。随喜称赞广大道场。尔时释迦牟尼佛。赞金刚掌菩萨金刚手菩萨言。善哉善哉。汝能显示文殊所说诸佛秘密最胜名义。利益安乐一切众生。汝等不久当得阿耨多罗三藐三菩提。得大解脱于幻网中作大导师。以大清淨甚深妙义开发引导。令诸众生入佛境界。我今证明。汝等所说最胜名义。此经于一万六千大秘密教智慧藏中。次第流出为三摩地轮。摧伏魔怨消除烦恼。度诸众生远离轮回到菩提岸。

文殊所说最胜名义经卷下

---

【经文信息】大正藏第 20 册 No. 1188 文殊所说最胜名义经

【版本记录】CBETA 电子佛典 Rev. 1.7 (Big5), 完成日期: 2009/04/23

【编辑说明】本数据库由中华电子佛典协会 (CBETA) 依大正藏所编辑

【原始数据】萧镇国大德提供, 北美某大德提供

【其他事项】本数据库可自由免费流通, 详细内容请参阅【[中华电子佛典协会数据库版权宣告](#)】

---